



Kapasen Ourour ren Kapas Eis FAQ fan iten Suuksefanin Nenien Mongo me Bar non ei Phase Ew (Ekkesiwin 8-26-2020)

Ekkei faan ponuwen kapas eis FAQs fan iten an Oregon Health Authority (OHA) we Kapasen Ourour non Ewin Kinikinin Suuksefan: Tichikin Kapsen Ourour ngeni Nenien mongo, Bar, Nenien Uun Sakaw, Imwen Sakaw, Nenien For Wine, Rumwen Neni ekkewe Sakaw me wine mei for me Distilleris ([Ourour Fan iten Nenien mongo me Bar non Ewin Kinikin](#)). Ewe ourour me aninisin kapas eis FAQ me ponuwan a weneiti ekkewe neni non ewe soopw a mumuta ar repwe ne Suuksefan non ei Ewin Kinikinin Suuksefan. OHA mei awora ekkei ponuwen kapas eis an epwe anisi an aramas repwe weweiti ekkewe ourour, an epwe ponuwani an stakeholder kapas eis, me pwan afata ifa usun angangan ewe ourour fansoun met epwe fis. Ekkei FAQs repwe pwan mwitir for sefan nupwen epwe wor met epwe ekkesiwin. Ekkei FAQs resapw siwini ewe ourour, nge repwe fen awewei, awora, me anisi met amasowen tichikin ewe ourour.

Angangan

Q1: Mei och an ekkewe chepen repwe awesino chok met masowen wor? Usun nikinikin pwe nupwen epwe awesino chok met masowen won ekkewe chepen epwe pwan ekukunano an chon angang me kastomer repwe tongeni kanefengen?

A1: Apw. Ekkewe chepen resapw awesino chok met masowen wor nge ese mwo wor chon repwe nomw won. Ika pwe emon chon angang mi mochen an epwe awesano masowen won ewe chepen me mwen chon ew mwich repwe mommot, ika pwe ei epwe ekisano ar kanefengenin nefinen chon angang me kastomer, iwe mei mumuta ar repwe fori.

Q2: Non ekkewe imwn ngaseno, mei namot epwe wor chon nenengeni pen ekkewe assam? Ika pwe ewer, ei aramas epwe tongeni epwe full time?

A2: Ika epwe tufich, ekkewe nenien sopai repwe, nge ese pwan menei pwe repwe fori ne awora chon angang epwe wisen nenengeni fetanin kastomer me non ekkewe neni ir mei soun no ngeni ian awewe ren imwen ngaseno pun esapw wor ar repwe iechufengen ian. Ekkewe nenien sopai repwe pwan tongeni pacheta sain epwe fateoch an epwe achema ngeni chon nonomw pwe repwe awora towawen nefiner me emon.

Q3: Pwata e kouk kunokun kesipenon neni ngeni kunok 10 nepwin non ei Ewin Kinikin non ekkewe sopw me met e anongonong won? Mei tongeni pwe chon mongo repwe wes kunok 10 nepwin ika meinisin repwe tou me non ewe neni kunok 10 nepwin?

A3: Meinisin nenien mongo repwe awesi angangen mongo me unn non ewe neni me mwen kunok 10 nepwin. Ekkei nenien sopai repwe kesip ngeni aramas ese nifinifin non ena kunok me nukun chok ika epwe wor angangen take-out. Ewe saingonon chepen ir mei momot repwe fiti ngeni ena kunok. Ewe nenien mongo epwe ekieki epwe ifan usun an epwe fiti ngeni met mei affat anongonong won ifan sokkun aninis mei fori.

Q4: Sipwe enimenim ngeni sarasko ika ekkewe minen nimenimen paikin? Mei menei an epwe kon pochokun aean non ekkoch neni? Fan fitu, ach sipwe nimenim me pwan ngeni met sokkun pisekin enimenim?

A4: Enimenimen ekkewe nenien angangen mongo ren non ewe nenien kukkun mongo me pwan ewe kinikinin non ewe nenien mongo rekan eita ngeni pwe "back of house" epwe fiti ngeni met onnukun non ewe [Food Sanitation Rules OAR 333-150-0000](#). Ren ekkewe kinikinin non ewe nenien mongo rekan eita ngeni pwe "front of house", ewe U.S. Environmental Protection Agency a fen mutata sokkun pisekin enimenim epwe tongeni ar repwe aea ne nimeti ewe monun ewe virus ren COVID-19. Meinisin minen enimenim mei nieno monun samwaa nge mei fiti ewe koukun iei repwe nomw [ikei](#).

Esapw meinisin minen enimenim mei nieno monun samwaa ir mei ketiw ar repwe aea non nenien forun mongo iwe repwe chichino me nimenim ngeni nimenimen paikin fiti ngeni met makken won taropwen ewe pisek. Kuta ewe kinikin ren "Disinfection" me won taropwen ewe minen enimenim ren koukun aean me an epwe sopwosopw ngeni konik (ukukun ewe minen enimenim epwe nofit ngeni konik) me non ei kinikin.

Q5: Ai we mwesinen totonun sepi, nupwen upwe aea non pusin koukun, mei tongeni an epwe nieno ewe virus ren COVID-19?

A5: Ewer, ekkewe mwesinen tonu sepi mei tori ewe koukun ren angangen nimenimen pisekin mongo ach sipwe aea sarasko ika anomu ukukun pwichikaran epwe 160F me non ewe nenien sepi iwe mei nieno ewe virus.

Q6: Mei menei an aramas repwe mommot nupwen fansoun repwe mongo me unn non ekkewe neni?

A6: Ren omw kopwe order/pick up mongo iwe mei mumuta fori me ren ewe counter. Mommot nupwen fansoun mongo me unn mei auchea fan iten epwe anisi ewe angangen onuw (6) fit towawen nefinen aramas.

Q7: Ekkewe Local Public Health Authorities (LPHA) repwe wisen etiwa metewe an ewe nenien mongo kokkot ren an epwe suuksefan me mwen repwe fori angangan? Mei menei an ew nenien mongo epwe fori ne makkei an iwe kokkotun suuksefan? Epwe wor certificate ren COVID-19 an epwe affata pwe ewe neni mei fiti ngeni ika mei awora taropwen nge mei fiti met masowen an Kepina we kapasen ourour ren suuksefan?

A7: Apw. Ekkewe neni mei menei pwe repwe fiti met an [OHA kapasen ourour](#) nge ese pwan menei pwe epwe wor mumutan meren ewe LPHA ar repwe fori me makkei ar we kokkot ika taropwe epwe pwarata pwe ir mei fiti ngeni ekkewe ourour.

Q8: Ekkewe nenien mongo mei menei ar repwe eukatiw angangen mongo me un kunok 10 nepwin, nge inet repwe pwan tongeni suuk?

A8: Ekkewe nenien mongo me bar repwe tongeni suuk sorotan chok anongonong won met pusin nour kunokun ar repwe suuk nge rese tongeni ar repwe suuk me mwen kunok 4 nesosor.

Q9: Ekkewe imwen ngaseno mei menei pwe repwe enimenim iteiten murin an wor chon aea?

A9: Apw. Ekkewe imwen ngaseno repwe enimenim me nimenimeno monun paikin non iteitian me fansoun an a ururoch ngeni, nge ese pwan menei pwe epwe nimenim iteiten nefinen an wor chon aea.

Q10: Mei tongni pwe ekewe ekkoch neni awewe ren ekkewe nenien bowling ar repwe awora angangen mongo nge fori pwan ekkoch sokkun mwokutukut nge mei kesipeno fan pungun an Kepina we Otutunen suksefanin ekkewe nenien mongo?

A10: Ewer. Ika pwe ewe neni epwe chok suuk ren angangen mongo iwe epwe pwan fiti met masowen [an OHA kewe ourour](#).

Q11: Ekkewe sokkun nenien mongo kastomer rekan pusin anisir non, awewe ren ekkewe nenien mongon nesosor, buffet, salad bar, Mongolian barbecues, ekkewe nenien anono minen un (growler me soda), me mwesinen yogurt ese mo mumuta ar repwe suuk?

A11: Ewer. Mongo repwe katou meren chon angang iwe ekkewe nenien mongo kastomer rekan pusin anisir me non esapw mwo mumungenir ar repwe suuk. Ewe Mongolian barbecue epwe tongeni suuk ika pwe chon angang repwe tongeni wisen ochufengeni metakewe ewe kastomer e mochen mongo me mwen an epwe pusin kuk. Ekkewe nenien an kastomer repwe pusin anisir me non sitowa, awewe ren bulk food, ika ekkewe olive bar, ra mumuta ar repwe suuk.

Q12: Ewe ewin kinikin mei pachenong ekkewe bar, rumwen neni ekkewe sakaw me wine mei for, nenien for sakaw, me wine bar?

A12: Ewin kinikin e mutata an ekkewe nenien mongo me uun repwene suuk sefan. Iwe nge, an emon epwe eto mongo me unn non ekkewe neni epwe kesipeno me kunok 10 nepwin.

Q13: Ekkewe chon angang ir mei pachenong non ewe koukun chochon repwe tongeni nomw non ekkewe nenien mongo me bar?

A13: Ewer, ekkewe chon angang ir mei pachenong non ewe koukun chon repwe nomw non ekkewe nenien mongo me bar. Eukuku chochon aramas non ewe neni an epwe 100 aramas repwe nomw non ika 250 aramas repwe nomw nukun, ika ewe ukukun aramas epwe anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun. Ika pwe ewe nenien sopai mei fori an angangen aninis non ewe neni epwe efisi non me nukun, iwe ukukun chochon esapw nap seni 250 aramas, pachenong chon angang.

Q14: Ian sipwe tongeni angei mei ian ekkewe spray minen nieno monun paikins, totonun nimengaw?

A14: Ewe Oregon Restaurant & Lodging Association (ORLA) mei anomwu [tettenin iten](#) ekkewe kompanien ekkewe pisekin enimenim mei wor rer ekkewe pisek.

Q15: Ian sipwe tongeni kuna me ian kapasen ourour fan iten ekkewe rumwen neni ekkewe sakaw me win mei for?

A15: Kapasen Ourour fan iten ekkewe Nenien mongo/Bar/Nenien for sakaw/Rumwen Neni ekkewe sakaw me wine mei for/ekewe Distilleries re chok nomw meinisin non ew chok [taropwe](#).

Q16: Ekkewe nenien mongo mei menei ar repwe pwan amaso taropwen ar repwe suuksefan?

A16: Apw. Ekkewe sopw repwe amasowa taropwen ar repwe mokutunong non Ewin Kinikinin suuksefan. Nupwen ewe sopw a ketiw an epwe ne tonong non Ewin Kinikin, ekkewe nenien mongo esapw chiwen kouk sokkun met epwe fori ngeni an epwe chok take-out/delivery. (Ika pun omw we OLCC licence ese chiwen wor manamanan fan iten ese mo kamotiw, iwe ena mei menei an epwe for sefan. Ewe Oregon Lottery epwe pwan cheki omw kewe mwesinen VLT me mwen kopwe tongeni amanawa sefanir.)

Q17: Mangaku Napkin ngeni Taropwe napkin. Ekkewe kompenien rekan wisen enimenima mangaku mei nimengaw rekan angei ekkewe mangaku fan ew non ew wik. Met mefiomw ren met epwe eochu ngeni?

A17: Ekkewe mangaku napkin mei nimenimoch ami mei tongeni aea. Kopwe affanieochu ewe rumwen isoisen ekkewe mangaku mei pin aea/nimengaw. Ekkewe mangaku mei nimengaw repwe isoisen non ew chota plastic ika non ew neni epwe wor apungun.

Q18: Mei wor ekkoch sokkun sakofesenin onnuk an ewe Oregon Department of Agriculture (ODA) ren opochokunen sokkun programen pekin mongo me ewe Oregon Health Authority (OHA) opocokunen sokkun programen pekin mongo?

A18: Ren unusan, met chok e wor sakofesen won iwe aean ekkewe glove. Non an ODA we onnuk iwe mei menei pwe angangen mongo meinis in epwe wor aean glove ren. An OHA iwe onnuk ngeni ekkewe nenien mongo repwe fiti met mi nomw non ewe [Food Code Fact Sheet #1 – Eukuku Angang won Paw ese Poupou](#).

Q19: Kopwe tongeni wanong kapasen pwe ekkewe fok me sipun non ekkewe nenien mongo repwe tukutukuno non ekkewe mangaku napkin?

A19: Ewer, mei murinno an epwe fis ena nge esapw pwan ew mettoch mei menei pwe ekkewe nenien angangen pekin mongo me un repwe fori.

Q20: Ion neir epwe kon och ach sipwe tongeni kokori ren ach sipwe tingor sopwosopwun afatafaten pworous won met ururur sipwe fori?

A20: Kapas eis me tingorun aninisin afatafateochun pworous won ekkewe kapasen ourour an state epwe no ngeni ewe covid19.reopening@dhs.oha.state.or.us.

Q21: Ekkewe sushi train me ekkewe wa sein amomo mongo usun kan ekkan nenien mongo an dim sum mei pachenong fan ewe "angangen pusin anisuk" ewe mei onnuk ngeni an epwe suk non ei Ewin Kinikin?

A21: Ewe sushi train mei pachenong non tetenin pusin anisuk iwe ese mumuta fan iten ekkewe mokun sepi ekan fiti ewe benit mei chok rokopwan fetan kastomer ir mei angengeni won pour.

Ika pwe ekkewe kastomer re order seni ewe sein dim sum nge rese pusin anisir, iwe mei mumuta an epwe suk fan pungun an [OHA kapasen ourour](#). Ewe neni epwe fakkun tumunochu ekkewe mongo won ewe wa an ar resapw torir monun nimengaw nupwen fansoun an epwe mwokut fetan me non ewe nenien mongo.

Q22: Epwe pwan wor tichikin kapasen ourour fan iten ekkewe bed & breakfasts me pwan ekkewe kukun neni ir mei enenia aramas ar repwe nonomw ika mouruno neni mei suk fan iten pekin turis (akkaewin ren ekkewe mei wor angangen mongo non)?

A22: Ekkewe neni ir mei enenia aramas ar repwe nonomw ika mouruno repwe fiti met masowen an [OHA kapasen ourour](#) ren meinisin ar angang mei wor angangen mongo non.

Q23: Ewe kunokun kesip ren kunok 10 nepwin fan iten ekkewe nenien eto mongo me unn mei pwan men ngeni ekkewe nenien mongo ika kafie non ekkewe pioing ika nenien tumwunun mei samwaa?

A23: Apw. Ewe koukun fansoun sukkun ekkewe nenien eto mongo me unn ese pwan pachenong ekkewe nenien aninisin mongo non ekkewe imwen tumwunun mei samwaa (pachenong ekkewe pioing), nenien tumwun semirit, nenien angang, an government imw, ekkewe nenien chon angang fan iten emergency, ekkewe program fan iten sukun, ekkewe imwen enenia me amongoni ekkewe ir mei muttir mefi osupwang.

Q24: Ekkewe nenien momot an kastomer mei wor chech ngeni mangaku ika pwan ekkoch sokkun mei mongumong usun mi kan fichepwangapwang mei menei pwe epwe enimenim monun paikin won iteiten nefinen an kastomer aea?

A24: Apw. Ese pwan menei pwe ekkewe nenien momot mei kiren mangaku repwe enimenimono monun paikin won iteiten nefinen an wor chon aea.

Q25: Mei wor nei license ren amomo sakaw. Ian upwe tongeni kuna me ian an OLCC we ououren suuk sefan?

A25: Nouin OLCC taropwen suuk sefan kopwe tongeni kuna me [ikei](#).

Q26: Uwa mochen upwene awateno kinikinin ai we nenien sopai ngeni an epwe suuk ngeni ese nifinifin ika private ren neni me an epwe pwan tongeni koun sakaw, nge fori ewe angangen awora towawen nefinen aramas. Ngang mei tongeni fori ei?

A26: mei wor noun OLCC taropwen application omw kopwe awateno omw we neni. Ka tongeni kuna ewe taropwen application me pwan amasowan [ikei](#).

Q27: Mei pwan wor ekkoch ai kapas eis fan iten COVID-19 ren nei we licence ai upwe amomo sakaw. Ian upwe tongeni kuna me ian ponuwer?

A27: Noun ewe OLCC taropwen ponuwen ekkewe kapas eis FAQ, ewe mei chok wor met epwe ekkesiwin won iteitan. Ka tongeni kuna me [ikei](#).

Q28: Met ekkewe kafie repwe pwan tichiki aramas ar repwe aea pwonupwonun pwot me aaw?

A28: Ewer, usun mei tichik me non an [Kapasen Ourour fan iten Pwonupwonun Aaw me Pwot me Pwonupwonun Maas non unusen ei State](#), ika customer rese tufichin aponuweta we onu (6) fiit nefiner war chitosa me ewe asamachon drive-thru iwe repwe aea pwonupwonun won maas, pwonupwonun pwot me aaw ika epetin won maas.

Q29: Met ewe kunok 10 nepwin ren annukun namofetan mei pwan pacheenong ekkewe nenien mongo ika pwan drive-thru?

A29: Ewe kunok 10 nepwin ren annukun namofetan echok awenewen ngeni nenien mongo non me nukun nge esapw pwan ekkewe drive-thru.

Q30: Mei tongeni an ekkewe Fraternal Lodge Organizations repwene pwoputa sefan non ei Ewin Kinikinin suuk sefan?

A30: Ekkewe fraternal lodge organizations ir mei fori ar angang fan nurun ekkewe license ren nenien mongo mei tongeni pwe repwene suki ar kewe nenien eto mongo me unn non won ekkewe sopw ra suuksefan non ei Ewin Kinikin, ika pwe repwe fiti ngeni met masowen ewe [ourour fan iten ekkewe nenien mongo](#).

Ekkewe fraternal lodge organizations ir rese nomw fan ewe license noun ekkewe nenien mongo fan ewe onnuk ORS 624.038 pwokiten rechok for mongo ngeni nour member me pwan nour kewe guest repwe tongeni repwe awora mongo ar repwe eto mongo me un non ar kewe neni me non ekkewe sopw ra mumuta ngenir ar repwe suuk sefan non ei Ewin kinikin ika pwe re fiti ngeni met masowen ewe [ourour fan iten ekkewe nenien mongo](#).

Iwe pwan sopwosopwun, ika pwe ekkewe lodge repwe anomwu ekkoch mwich, repwe fiti met masowen ewe Otutun seni Kepina 20-27 fan iten emwicheich me an OHA kapasen ourour (awewe ren., awora nefinen towawen nefinen aramas, etc.). Ekkewe emwicheich resapw nap seni 25 aramas repwe fiti non ei Ewin Kinikin. OHA mei menei pwe ekkewe fraternal lodge organizations repwe anomwu non ar kokot ekkei mettoch nupwen repwe finata ika repwe suuksefan me pwan ifan kookun ar repwe fori ar angang:

- Mei chomong ngeni ekkewe fraternal lodge organizations mei wor member non ir mei nomw non kinikinin apwangapwang ngeni ewe samwaa (mei pachenong ekkewe ra nap seni 65 ier ika ekkewe mei wor ar watten semwen). Ika mwo pwe mei fakkun nuuno ukukun ar repwe fiti ngeni met an OHA ourour, an chok emon epwe chuuno ngeni ekkewe fraternal lodge organization mei tongeni epwe efeiengaw ngeni emon. Ewe Kepina mei fokkun opochokuna kapasen pwe iokewe ir mei apwangapwang inisir ngeni ewe samwaa repwe chok nomwonog non imw non ei Ewin Kinikin.
- Usun sa fen sinei ekkewe ir mei apwangapwang inisir ngeni ewe samwaa me pwan sokkun angang ekkewe nenien mongo repwe fiti ngeni fan ewe

kapasen ourour (awewe ren, fori pwe ekkewe member repwe awora ukukun onuw (6) fit towawen nefiner me ekkoch, akkaewin nupwen fansoun repwe mommot ika rese mokutukut fetan), mei wewefich pwe ekkoch ekkewe lodge repwe chok kesipeno non ei fansoun ika epwe chok kouk sokkun aninis repwe fori.

Q31: Mei sakofesen koukun chochon aramas ren ekkewe nenien mongo non me nukun. Ifan awewen ei fos “neni nukun” ren popun me non ewe Ourour Fan iten Nenien Mongo me Bar non Ewin Kinikin?

A31: Fan iten pwapwun ewe Ourour Fan iten Nenien Mongo me Bar non Ewin Kinikin, “neni nukun” wewen ew neni mei-sukuno mei wor ekis imweimwan (e.g tento ika osun) nge koukun ewe neni esapw kukun seni fiikme-nimu pesen ren square foot mei chok sukuno ngeni fetanin asepan.

Towaw fesen me Chochon:

Q1: Kose mochen afataeochu ika inet epwe mumuta momot orun ekkewe bar/counter?

A1: Mei mumuta momot ren counter/bar ika pwe mei sapengeni ewe etiip asamwacho iwe ewe koukun onuw (6) fit towawen nefinen chon ew mwich mei tufichin epwe pwonueta. Ika pwe mei wor neni mei nomw nefinen ewe counter/bar me ren ewe etiip ika asamwacho, iwe ese mumuta momot orun.

Q2: Epwe ifan usun omw kopwe sinei ewe “koukun chochon” an epwe fiti ngeni an Kepina iwe ourour ren suuksefan?

A2: An OHA ourour fan iten ekkewe nenien mongo me bar mei affata pwe ekkewe nenien sopai eukuku ukukun chochon aramas chon chufengen ngeni 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika ewe ukukun aramas, mei pachenong chon angang, anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun.

Q3: Ekkewe sitowan mongo a fen ipwot me pwan ekkewe nenien momot ren mongo me unn non ekkewe sitowa repwe pwan fiti an OHA iwe ourour fan iten nenien mongo me bar?

A3: Ewer.

Q4: Ika pwe ew kinikinin nenien momot mei tekia nesokurun ekkewe nenien momotun mei tongeni an epwe kukun seni onuw (6) fit towawen nefinen ekekwe mwichen chon eto mongo?

A4: Apw. Ekkewe kastomer esapw ir chiechi non ew mwich repwe awora ewe onuw (6) fit towawen nefiner me ekkoch.

Q5: Ika ew nenien mongo epwe pacheta ekkewe plexiglass, ekkewe eppet plastic, ika pwan ekkoch sokkun kinikinin nefien ekkewe chepen ika mwesinen lottery, mei tongeni pwe repwe nomw kukun seni onuw (6) fit towawen nefiner? Mei tongeni an ew neni epwe pacheta plexiglass ren ewe bar? Mei tongeni pwe epwe itan pwe etiip ika asamwacho ar repwene tongeni mumuta chon momot orun ewe bar nge epwe wor ewe onuw fit nefiner ekkewe kastomer?

A5: Apw. Ekkewe kastomer esapw ir chiechi non ew mwich repwe awora ewe onuw (6) fit towawen nefiner me ekkoch. Pachepachetan ekkewe refirefin kinikinin non ewe neni fan iten an epwe eimwufeseni nefinen ekkewe kastomer ika ekkewe chon angang nge epwe pwan euku fetanin asepan non nikinikin epwe forata an asepan epwe mwochuno chok ese fetan.

Q6: Ewe onuw fit towawen nefiin mei pwan men ngeni chon mommot nukun?

A6: Ewer. Towaw fesen non ukkukun onuw (6) fit epwe ponuweta nefinen fituw mwicheich ese pwan nifinifin ika pwe re momot non ika nukun.

Q7: Ekkewe nenien mongo repwe eukuk no ngeni ekkewe sink, nenien sisi an mwan ika toilet ren an epwe pwonueta an kastomer repwe fori ewe angangen onuw-fit towawen nefiner me ekkoch?

A7: Apw. Iwe nge, ika epwe tufich, ekkewe nenien repwe, awora chon angang epwe wisen nenengeni fetanin kastomer me non ekkewe neni ir mei soun no ngeni ian awewe ren imwen ngaseno pun esapw wor ar repwe iechufengen ian.

Q8: Ren ekkewe guest ir mei momot me a wor chon anisir me nukun ewe nenien mongo, mei wor met koukun towawer seni ewe imw ren ian repwe momot ian?

A8: An OHA iwe ourour ese pwan pachenong ukukun koukun me fan ika me asan ren towawen nefinen an ewe guest epwe momot ngeni me ewe imw. Ekkewe nenien mongo repwe cheki meren ekkewe local city ika kukun sopw ren ewe code won ifan koukun an epwe wor nenien momot nukun.

Q9: Ewe nenien mongo epwe fori an kastomer repwe tonong ika fetan non ewe nenien mongo ngeni ar chepen nge epwe wor ewe koukun onuw (6) fit towawen nefiner me ekkoch non anein ar repwe mokut fetan me no ngeni ar kewe chepen?

A9: Epwe wor ukukun onuw (6) fit towawen nefinen ekkewe kinikin ian kastomer mei napengeni ar nomw ian (awewe ren mesen chok ewe nenien tonong ika ar utiwit ren ekkewe imwen ngaseno). Ika epwe tufich, ewe kinikinin nenien mongo epwe teten ekkewe chepen an epwe tongeni wor onuw (6) fit nefiner fansoun meinisin. Iwe nge, non ekkewe kukun nenien mongo ian epwe weires an epwe fis me ian (awewe ren, epwe tongeni wor ar repwe okukunano ukukun chochon repwe nomw non), mei mumuta an kastomer repwe ekis chok pass non ewe koukun

onuw (6) fit ukukun ekkewe kastomer ir mei momot nupwen fansoun ar repwe no ngeni ika seni ar kewe chepen.

Q10: Ewe onnukun onuw (6) fit ren fan iten nefinen chepen me chepen? Ika ren nefinen ekkewe kastomer ir mei momot ngeni pwan kastomer ren pwan efoch chepen?

A10: Ekkewe chepen mei namot pwe epwe wor ukukun onuw (6) fit towawen nefiner pwe epwe tongeni tufich an epwe onuw (6) fit towawen nefinen ekkewe aramas esapw ir chiechi non ew mwich.

Q11: Mei menei pwe emon chon angang epwe uta ukukun onuw (6) fit towawan nupwen fansoun epwe angei order?

A11: Fan iten tumwunun chon angang me kastomer, onuw (6) fit towawen nefinen chon angang me kastomer epwe wor fansoun meinisin ika epwe tufich, nge an OHA iwe kapasen ourour mei pwan enenia pwe fansoun angei order me atoura mongo ngeni chepen, ewe onuw (6) fit esapw tongeni epwe pwonueta.

Q12: Mei tongeni pwe ekkewe rumwen neni ekkewe sakaw me wine mei for epwe wor nikitik epwe eto me nukun?

A12: Ekkewe chon nikitikitik ika pwe ir mei tongeni repwe awora onuw (6) fit towawer seni kastomer me ir fengen iwe mei mumuta.

Q13: Ika pwe ew chepen mei sapengeni ewe etiiip (ika ekkoch pwan refirefin nefiner), iwe nesukurun ewe kastomer mei sapengeni ewe rum, mei pwan chiwen namwot epwe wor ewe onuw (6) fit me ne sekurun ewe kastomer?

A13: Ewer.

Q14: Ikkefan ekkewe onnukun mettoch epwe fis non ekkewe nenien banquet non ekkewe hotel?

A14: Otutun seni Kepina 20-27 echok mutata mwichen me mwichen urumwot epwe chok ukukun 10 aramas ika pwe epwe tufich ewe koukun onuw (6) fit nefinen iokewe esapw ir chon non ew imw.

Chon angang

Q1: Pwata ekkewe chon angang repwe aea ekkewe chuun mongo nge esapw paw ese poupou nupwen fansoun angang ngeni mongo?

A1: Tonuw paw ngeni sopw me konik esapw tongeni epwe nafoch an epwe eppetifetanin ekkewe monun paikin seni paw ngeni ewe mongo mei monotan mongo

nupwen fansoun angangen amonata mongo. ODA mei awora licence ngeni ekkewe neni ir rese mumuta ar repwe angengeni mongo won paw ese poupou nupwen fansoun angangen mongo usun met mei nomw non ewe onnuk an ODA Food Code ren met epwe fis non kinikinin: 3-301.11 Eppeti Nimengawen Mongo seni paw.

Q2: Ekkewe chon angangen non nenien mongo ir mei ani ourekin ewe angangen aean pwonupwonun aaw me pwot unusen ran non ewe pwichikaren nenien kuk mongo iwe an epwe pwan oppos ewe Carbon Dioxide (CO2). Mei wor met mei pwarata efeiengawen CO2 me ekkewe mangaku pwonupwonun aaw me pwot?

A2: Ekkewe mangaku pwonupwonun maas rese omwochu asepan ina pwata esapw wor an epwe forata an CO2 epwe wateno. Ekkewe pwonupwonun maas repwe aea ren an epwe eppeti pwot me aaw seni an epwe paras fetan ekkewe supwun aw seni emon aramas ngeni pwan emon non ew kinikin neni mei wor aramas ian.

Q3: Ekkewe chon angangen non nenien mongo ir mei ani ourekin aean pwonupwonun aaw me pwot non ewe pwichikaren nenien kukun mongo. Met chon angang repwe tongeni fori pwe epwe anisi an esapw nuuno pwichikar, weiresin pwichikar, ika weiresin ngasangas ika pwe ir mei aea ekkewe pwonupwonun maas?

A3: Chon angang repwe aea pwonupwonun maas epwe mecheres ngenir ar repwe tongeni ngasangas me non me pwan awora fansoun asease atun angang pwe repwe tongeni tou seni non ewe nenien kukun mongo. Ekkewe nenien sopai ir repwe awora pwonupwonun aaw me pwot, eppetin maas, ika pwonupwonun maas, ngeni ekkewe chon angang fiti ngeni an [OHA we kapasen ourour](#).

Q4: Mei menei pwe meinisin ekkewe chon angang repwe aea pwonupwonun maas ika ekkewe chon rekan angang non kinikinin ewe nenien mongo itan font of the house chon angang ir mei wor ar kanefengen me kastomer? Mei menei pwe chon angang repwe aea pwonupwonun aaw me pwot ika ir mei tongeni chok aea ekkewe mangaku pwonupwonun maas?

A4: Meinisin chon angang ir mei angang ngeni mongo, ese pwan nifinifin met sokun ar angang, repwe aea pwonupwonun maas me nukun chok nupwen mongo/unn ika nupwen rese nomw non neni ian meinisin mei nomw ian ikewe mei tongeni ar repwe nomw towaw fesen non ukukun onuw (6) fit [an OHA kapasen ourour](#) Chon angang repwe aea pwonupwonun aw me pwot, pwonupwonun maas, ika eppetin maas pwe repwe fiti ngeni met [an OHA kapasen ourour](#).

Q5: Pwata a pwan wor ei minafon onnukun an meinisin chon angangen nenien mongo repwe aea pwonupwonun maas, nge iwe ese pwan menei ach sipwe aea me mwan?

A5: Pwokiten ekkewe kastomer ra eto mongo non ekkewe nenien mongo a wattenno an epwe mecheres fetanin ewe samwaa, ren unusan. Ren pekin kaeo mei pwarata pwe aean ekkewe pwonupwonun maas epwe ekukunano cheunon ewe COVID-19.

Angangen ekkewe Video Lottery Terminals (VLT):

Q1: Ewe kapasen ourour fan iten ekkewe VLT ren nenien mongo mei apasa pwe "enenia ekkewe VLT epwe ukukun onuw (6) fit towawen nefiner." Ngang mei nukuw pwe mei wor chon ereniei pwe ekkewe nenien sopai resapw atapa/omokutu ekkewe mwesin won pusin ar. Mei pung? Non ewe kapasen ourour esapw ururn pwe epwe afata pwe OLCC epwe cheki noumw we mwesin me fori an epwe tongeni pwan on me pwan anisingonuk ian epwe tongeni nomw ian fengen me pungun nikinikin an epwe on sefan?

A1: Ekkewe VLT rekan chek meren chon ewe Oregon State Lottery (OSL). Ika pwe ew nenien mongo/bar mei mochen pwe epwe mwokut, iwe repwe kokori ewe OSL ar repwe kokori ion epwe wisen anisir seni meni nein ekkewe ofes mei kanengenir. Me mwen an OSL epwe onnei sefani ewe mwesin, repwe akkoum menemenoch pwe mei tori ewe koukun towawen nefiner ren onuw (6) fit seni pwan ekoch.

Q2: Ewe kunok 10 nepwin an epwe kesipeno mei pwan pachenong ekkewe Video Lottery Terminals (VLT)?

A2: Ewer, ewe kunok 10 nepwin an epwe kesipeno metoch meinisin mei pwan pachenong ekkewe Video Lottery Terminals (VLTs).

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori Mavel Morales won nampa 1-844-882-7889, 711 TTY ika mak ngeni won OHA.ADAModifications@dhsoha.state.or.us.